

# სახალხო გაზეტი

სურათებიანი დამატება

გაზეტის № 1051

დამატების № 185

კვირა, 24 ნოემბერი 1913 წ.



მწუხარება. (ჯანაკიძე).

## რომანტიული თავგადასავალი ვახტანგ დვრიანისა

(დასასრული\*)

მაგრამ წარსული იყო და ელენე ხან და ხან მწვავედ გრძნობდა მის სიმძიმეს, როგორც გრძნობს ქვის ლოდს მიცვალვებული, როცა ის საფლავიდან ამოსვლას ჰლოამობს. აი მან ჰნახა სამოთხე, დასტკბა კეთილი ღმერთის ღიმილით, ქერა-ბიშთა გუნდის გალობა მოისმინა. მაგრამ მაინც სააქაო ცხოვრება სწყურიან, ხორცშესხმულ ცოდვილ მომაკვდავებთან ყოფნა უნდა. მას სცივა იმ წმინდა სფეროებში, მას უნდა ადამიანური სიყვარულით და სიძულვილით გასთბეს. და ის სასოწარკვეთილებით აკაკუნებს სასაფლაოს კარებზე. მაგრამ ცოცხალთ არ ესმით ეს კაკუნი და უზრუნველად სხედან ლოდის ზედაპირზე.

უფრო მწვავედ ამ სიმძიმეს ელენე საღამოობით გრძნობდა. დედამიწაზე გრძელი ჩრდილი წვევოდა და თან და თან სრულიად აბნელებდა მას. ჩრდილიდან კინელ-ნელა შავფრთიანი დამურები იბადებოდნენ.

ხან და ხან მზე ჩასვენებისას, როცა მინდორი უკვე დაჩრდილული იყო, რამოდენიმე წუთით ყვითლად ანათებდა მაღალი ნიგვზებისა, ცაცხვებისა და წიფლების წვეროებს. ეს იყო მისი უკანასკნელი მკრთალი ღიმილი. ელენემ იცოდა, რომ სოფლის ხალხი ამ უსიზბო სინათლეს მკვდრის მზეს უწოდებდა. და მას ეგონა, რომ ამ დროს, ხის შტოებს შუა ნათლად ჰხედავდა მიცვალვებულთ, რომელნიც ამაოდ სცდილობდნენ ცოტა ხნით მაინც გაეთბოთ თავისი ცივი ჩონჩხები. სხეული მიშისაგან თრთოლას უწყებდა: ზეზე დგებოდა და თვალეზე ხელებ აფარებული ოთახში შედიოდა უკან მოუხედავად.

რაც მეტი დრო გადიოდა, მით უფრო მოუსვენარი ჰხდებოდა მისი ძილი. შუალამისას ხშირად ეღვიძებოდა მოულოდნელი მუჯღუგუნის გავლენის ქვეშ. გული აჩქარებით უცემდა, სული ეხუთებოდა, შუბლზე ცივ ოფლს ასხამდა. ფართედ თვალეზ დაღებულთ ჩაკეტილ კარებს აცქერდებოდა. ეშინოდა რომ რაღაც მანქანებით კარი გაიღება და ოთახში შემოვა ურცხვად გატიტვლებული მამაკაცი საშინელი ლაქით პირისახეზე. პირს კედლისაკენ იბრუნებდა და სცდილობდა უმნიშვნელო ან მხიარულს საგნებზე ეფიქრნა.

\* იხ. სურათებიანი დამატება № 184.



მაგრამ უცებ გრძობდა, რომ მის უკან ბნელს კედელს შემპარავი სიკვდილი მისდევს უხმო ნაბიჯით. შემდეგ სიკვდილის აზრი ჰფლობდა მის ცნობიერებას, კლანკებში იჭერდა მთელს მის არსებას და გათენებამდე სტანჯავდა, როგორც სისხლის მსმელი ორბი წიწილას. გათენებისას ცოტათი მშვიდდებოდა და იძინებდა მძიმე, მოუსვენარი ძილით.

დღისით საშინელნი მოჩვენებანი იფანტებოდნენ მზის, სინათლით დაშინებულნი. ისინი მიძვრებოდნენ ძველს ქვევრებში, დაჩრდილულს ხრამებში, ასწლოვანი ცაცხვის ფულურობებში და იქიდან უთვალთვალდებდნენ დალამებას.

ელენე სკდილობდა საქმით გართობილიყო, წიგნის კითხვით ან ოჯახობით დავიწყებისთვის მიეცა ღამის ხილვანი. ის ჯდებოდა ეზოში და უხმოზდა შინაურს ფრინველებს. შემდეგ კალთიდან მუჭა-მუჭა სიმინდს იღებდა და დედის მიბაძვით მიწაზე აბნევდა. ქათმები დაუფიქრებლივ ჰკენკავდნენ, ბატები და იხვები კი ჯერ ერთი თვალთ უმზერდნენ მარცვალს, შემდეგ მეორეთი. ბოლოს აჩქარებით იწყებდნენ ყლაპვას. ამპარტავანი, ლაზოიანი მამალი კი ერთხანს შორიდან უცქეროდა ამ ამბავს. შემდეგ ისიც კადრულობდა თავის ქვეშევრდომთა შორის გარეგას და მათი ჯერის განაწილებას. დაკმაყოფილებულნი იხვები ერთად მწყრივდებოდნენ და ქანაობით წყლისკენ მიემართებოდნენ ყელის გასასველებლად თუ საცურაოდ. გზა-გზა დროგამოშვებით სრულიად უმიზეზოდ ხმა მალა გაიძახოდნენ. მამალი ინდაური კი ელენეს ემტერებოდა და მეტის-მეტად ავიწროებდა: უკან დასდევდა ლურჯ კისერ წაწვდილი, ფრთებ აწურული და თან რაღაცას ყურყულბდა. ქალი კიბეზე არბოდა და ზვიდნ დასცქეროდა მდევარსა. ფრინველი კი კისრიდან დაწყებული ნისკარტამდე სისხლის ფრად იღებებოდა, უცნაურად იფუყებოდა და წრეს უვლიდა ძალზე გაჯავრებული.



სურათი სომხის ქალის ლუბანინისა, რომელიც შამილმა ტყვედ შეიპყრო 1845 წელში და შემდეგ მეუღლედ ჰყავდა, სურათი ინანება სტავროპოლის მუზეუმში.

ფიქრობდა თავისი წარსული ცხოვრების უკუღმართობაზე. ნებოდა თავისი დაღუპული ყმაწვილ-ქალობა უცხოელებს შორის რომ გაატარა უნაყოფოდ, უსარგებლოდ. ნათლად ჰხედავდა, რომ ბევრად უფრო ბედნიერი იქნებოდა ამ მოუხეშავს, ძალოვან ხალხში, რომელიც ასეთი სიბნელითაა მოკული და ასე მოუდრეკად მიიღტვის სინათლისაკენ. მაგრამ ეხლა ის ვეღარ გაიგებს მათ სიტყვებს, მათს ტკივილებს: ისინი კი ზურგს შეაქცევენ დამცინავი ღიმილით, როცა მის შეცოდებას გაიგებენ. შეიძლება კიდევ ჩაჰქოლონ. ეხლა ის მათთვის უსარგებლოა, როგორც ადგილობრივი მცენარე, რომელზედაც უხეიროდ გარეული ჯიშის ხეხილი დაამყენეს: მათ უგემურად ეჩვენებათ მისი ნაყოფი.

და ელენე შიშით და ძრწოლით ჰფიქრობდა თავის მომავალს ნაყოფზე. ეხლა აღარ ახარებდა პირმშოს გაჩენა. პირიქით ის მას ელოდა, როგორც დამნაშავე — სასჯელს, როგორც დატყვევებული ჯალათის შემოსვლას. მას შეჰნატროდა, სანამ სიყვარულის ნაყოფად სთვლიდა. ეხლა კი, როცა ილუზია დასამარებული იყო, მისთვის აუტანელი გაჰხდა თვით აზრი, რომ თავის მკერდ ქვეშ უღირსი და მახინჯი ადამიანის შვილს ატარებდა. ამ აზრმა სიკვდილის შიშთან ერთად სრულიად მოიცო ახალგაზდა ქალის არსება, როცა ქირნახულის ტეხა და კრეფა გათავდა და თან წაიღო ის პაწია სიხარული, რომელიც მან მიანიჭა.

ერთხელ ნაშუადამევს ელენემ ჩვეულებრივად გამოიღვიძა და დაინახა, რომ ფანჯარაში ელვა ანათებდა. თუმცა ეშინოდა, მაგრამ რაღაც უძლიველი მიმზიდველი ძალის გავლენით თავი წამოჰყო, მკლავებზე დაეყრდნო და გარედ გაიხედა. მისი სული თითქო რაღაცას ელოდა ამ პირდაღებულ წყვილადიდან. რამდენჯერმე თვალი მოჰკრა დაკლანილი ცეცხლის აღს, მდინარის თეთრ კენჭებიან ნაპირებს, წელში მოხრილს წყლის

ჩამურს და პატარა წისკვილს. და უცებ მას ჩამურის ძახილში მგლოვია რე ქალს მალალი ტირილი მოესმა, ხოლო წისკვილის ხმაში — მომაკვდავი ადამიანის ხრიალი. დაეღვა. ელენემ ოდნავ შეჰკვილა, თვალებზე ხელები მიიწარა და ლოგინზე დაეცა შეძრწუნებული. წყლის აქაფებულს ტალღებში მან დაინახა თავისი სხეული, ტიტველი და თმა გაშლილი...

დიდხანს ეგდო უსულოდ, უმოძრაოდ. შემდეგ ნელ-ნელა გონს მოვიდა, თვალები ღვთისმშობლის ხატს მიაპყრო და მხურვალე გულით სთხოვა ღვთაებრივს ქალწულს, შეებრალებინა მისი საცოდავი თავი. მას არ უნდოდა სიკვდილი, არა, მას არ უნდოდა სიკვდილი.

მაგრამ პატარა არსება იზრდებოდა ქალის წიაღში და ყოველი წუთი მის მიერ შემატებული აკლდებოდა დედის სიცოცხლის დღეგრძელობას. ერთს დღეს, როცა შემოდგომის წვიმის წვეთები ერთხმად მისტიროდნენ ზაფხულის სითბოს და სიხარულს, ელენემ იგრძნო პარველი მოძრაობა, რომელიც დედაკაცში ყოველთვის შიშსა და განცვიფრებას იწვევს. გული შეუტოკდა და შეუფრთხილდა მუჭაში დაქერილ ჩიტავით. მეტი მალვა შეუძლებელი იყო და მან თითქმის შეუგნებლად გასწია დედის საძებნად.

დედა სამხარეულოს წინ იდგა და შინაურს ფრინველს საკენკს უყრიდა. ელენე სკამზე ჩამოჯდა და ისევ უშესაყლოდ, როგორც ოდესღაც ერთს ადამიანს, ისე ეხლა მეორე დამიანს გაუმხილა თავისი მდგომარეობა. დედამ კაბის კალ-


მოვიდა მსუქანი ღვინობისთვე და სოფლები შეუდგნენ სიმინდის ტეხას და ყურძნის კრეფას. შავი მტევნები გოდრით მოჰქონდათ და ვეებერთელა საწნახელში ჰყრიდნენ. ბიჭები ფეხს იბანდნენ და საწნახელში არხენინად დასეირნობდნენ შარვლებ აწეულნი.

ურმით მოზიდულს სიმინდს ეზოში აგროვებდნენ მალალს კალოზე. შემდეგ მთვარიანს ღამეში მეზობლის ბიჭები და გოგოები თავს იყრიდნენ და მხიარულად უდგებოდნენ მის გარჩევას: შრიალა ტანსაცმელს და წვევრებს აკლიდნენ, გამხმარს ტაროებს ცალკე აწყობდნენ, ხოლო ბნელს ეზოში დანთებულს ცეცხლზე სწვავდნენ და სკამდნენ.

ელენე სიმინდის ბურბუმელაში ჩაფლული, ცეცხლის აღს უცქეროდა და ყურს უდებდა გლეხების სიმღერას. მისი ოცნება გურული კრიმანჭულის მსუბუქი ფრთებით თავისუფლად მიჰფრინავდა შორს, შორს სინათლის და სიყვარულის სამეფოში, ვარსკვლავებს იქით რომ იმყოფება. მხიარული და იმედიანი იყო ეს სიმღერა, თუმცა მისი სიტყვები წინაპართა ტანჯვაზე ლაპარაკობდნენ. მუდმივ წელში გაუტეხელი გურულები მღეროდნენ მოლალატე ალიფაშაზე, რომელმაც ხალხი ქობულეთში ჩაიყვანა და რუსების ხელში ჩაჰყარა. მათს ხმაში უფრო ბედნიერების იმედი გაისმოდა, ვიდრე სევდის სასოწარკვეთილება.

ელენე, როგორც ყოველი სუსტი ადამიანი, ძალაუნებურად ემორჩილებოდა ამ ბუნებრივი, ჯანსაღი ძალის გავლენას.






ინდოეთის პოეტი და ფილოსოფოსი რაბინდრანათ ტაგორი, რომელსაც ნობელის ჯილდო მიუხაჯეს. (იხ. ლ. „სახ. გაზ.“)

თას ხელი გაუშვა და საბტად დარჩა გაშეშებული. მის თავს, ძველი, მამაპაპური რწმენით გამსჭვალულს და სოფლის ზნეობით განსაზღვრულს, ვერ წარმოედგინა, თუ შესაძლებელი იყო ასეთი რამე. შემდეგ, როცა ნათქვამი სიტყვების აზრს როგორც იყო ჩასწვდა, დაინახა რომ მისი ქალი, რომელსაც აქამდე თითქმის მოკრძალებით ეპყრობოდა, დაბატარავდა მის თვალეში. მიუახლოვდა, თმაში ხელი სტაცა და სცემა მთელი ძაღლივით, რაც შესწევს სოფლის დედაკაცს, რომელიც დიდიდან საღამომდე ბაღში ან ყანაში მუშაობს. როცა გული იჯერა, სამხარეულო ოთახში შევიდა, კერას მიუჯდა და ხმა მალლა გამოიტერა თავისი ქალიშვილი.

ელენე წყნარად ადგა, გარეშემო თვალეში მიმოავლო და ჩქარის ნაბიჯით კიბეზე ავიდა. სააფთიაქო ოთახში შეიხედა. არავინ იყო. ფეხ-აკრფით შევიდა და დაზვის უჯრა გამოაღო. დიდხანს ეძება ის უებარი წამალი, უტანჯველად რომ ჰკლავს. მაგრამ ამ დროს მგორე ოთახიდან მოისმა, როგორ გადაფურცლა მისმა ძმამ წიგნი. მეტი ცდა აღარ შეიძლებოდა. აიღო პირველი შუშა, ხელთ რომ მოჭხვდა, კარბოლის სიმუხვე. თავის ოთახში შევიდა, კარები ჩაიკეტა და ფანჯარა გააღო. გაშლილს ლოგინზე მიწვა, მარცხენა ხელი ცხვირზე მოიკირა და ბოთლი პირზე მიიყუდა, ძირამდე გამოსცალა და თავი უმწეოდ გადახარა ბალიშზე... გული შეეუღონდა და თვალთ დაუბნელდა. შემდეგ წყვილიდში ერთი ადგილი ნელ-ნელა განათდა: ამ განათლებულს ადგილზე დაინახა ვახტანგ დედრიანი, როგორსაც იცნობდა სიყვარულის საუკეთესო წუთებში. და ამ რამოდენიმე კარგი წუთისთვის ელენემ მას აბატია თავისი დიდი, ხანგრძლივი ტანჯვა...

შემდეგ ყველაფერი გაჰქრა.

გერონტი ქიქოძე.



# კაცი და სიხარული

(რუსულიდან)

სცხოვრობდა ერთი კაცი. იგი სხვა ადამიანებს არა ჰგვანდა; იმის გული სხვა ადამიანებსავით მიწიერ სიხარულისთვის და სიტკბოებისთვის როდი სძებრდა. კეთილისადმი სიყვარულით აღსავსე იყო და ჰსურდა, რომ სიმაღლე, ცოდნა და ბედნიერება ხალხში დამყარებულიყო.

თითქმის მთელი თავისი სიცოცხლე ბოროტთან ბრძოლაში გაატარა. ბრმა ბედი, გვერდ რომ გაუვლიდა, სხვებს ჩინებული საუნჯით ასაჩუქრებდა, იმას წილად მარტო კი ტანჯვას არგუნებდა.

ასე გაიარა ბევრმა წელმა.

ბოლოს სიმაღლის ქალ-ღმერთმა, რომელსაც ღმერთები-ბისაგან უგზო-უკვლოდ ხეტიალი ჰქონდა მისჯილი, იმ დანაშაულისთვის, რომ უფლება ჰქონდა და მინც დედა-მიწაზედ გამეფება ვერ შეიძლო, — შემთხვევით დაინახა იგი და ბედის სიმკაცრეზე გული სიბრაზით აევსო.

მან მოიხმო სიხარული, სიყვარულისა და ბედნიერების ასული და უბრძანა დედა-მიწაზე დაშვებულიყო კაცთან.

სიყვარულს უყვარდა იგი და კეთილ ქალ-ღმერთის დავალებას სიამოვნებით ასრულებდა. გათენდა დილა. კაცს ჯერ არ გაძლივებოდა. გული აქამდის უცნობ არა მიწიერ ნეტარებით აღევსო. თვალეში გაახილა და მის თავით მდგარი მთელ ქვეყნიერებაზე უმწვენიერესი ქალი დაინახა. ნაზ ტუჩებზე ბედნიერების ღიმი უთრთოდა. თვალეში სიყვარული უელავდა, თავზე მხიარულებისაგან დაწნული იმედის მწვანე გვირგვინი ედგა.

კაცმა კვლავ თვალეში დახუჭა და იფიქრა, მწვენიერთაგან უმწვენიერესი სიზმარი ვნახეო, მაგრამ მეტის-მეტად განცვიფრდა, როდესაც შეჰქინა, რომ ქალი არა ჰქრებოდა, და ისევე ნაზი ღიმილით უტკებოდა მას.

მაშინ იმისმა გულმა სიხარული იგრძნო, რადგან იგი მასში შთაინერგა.

ამიერიდან სიხარული კაცს აღარა განშორებია. მწვენიერს სიზმრებს აჩვენებდა, დილა-საღამოს შუბლზე ნაზს კოცნასა ჰგრძნობდა; შრომის დროს გვერდით ედგა; ბრწყინვალე აზრები ებადებოდა და გულიც აღსავსე ჰქონდა ბედნიერებით.

კაცი უწინდებურად განაგრძობდა ცხოვრებას და ხალხისთვის შრომასა, მაგრამ ეხლა კი ჰგრძნობდა და იცოდა, რომ მის ტანჯვას ამოდ არ ჩაევლო. დაინახა, რომ ხალხმა გაიადგა ერთი მცირე, მხოლოდ მისთვის შესამჩნევი ნაბიჯი, იმ ნათელ მომავლისაკენ, საითკენაც იგი მოუწოდებდა.

„მარტო მე კი არა, — ჰფიქრობდა იგი, — სხვა ჩემისთანებიც სიცოცხლეს შესწირავენ ხალხს და გაუძღვებიან იქით, მყოობადის ბრწყინვალე ტაძრისაკენ. ჩემი სურვილიც მარტო ეს იყო! რა ბედნიერია ჩემი სიცოცხლე! რა მწვენიერია ჩემი ბედი! სიხარულით სავსეა ჩემი გული!“

დრო ბიდიოდა; ძნელი სათქმელია ის დრო, თვეები, წელიწადები, თუ დღეები იყო. ეს იცოდა მხოლოდ მოხუცმა საუკუნოებამ, რომელიც იმას, თავის გრძელ ფურცელზე სწერდა; ხალხს კი ვერ შეეძლო ეთქვა, სად იყო მისი დასაწყისი და დასასრული.

შემდეგ სიმაღლის ქალ-ღმერთამ შემთხვევით ხელახლად დედა-მიწას დაჰხედა და სხვა კაცი დაინახა, რომლის გული უმაღლესი გრძნობით იყო აღსავსე, სიცოცხლე კი — მწუხარებითა. ბედის სიმკაცრისადმი მრისხანებით აღივსო და თავის საყვარელ სიხარულს მოუწოდა.

— „სიხარულო! ამ ტანჯულსაც დაანახვე შენი ღიმილი! — დეე, ამანაც დაინახოს შენს თვალეში ბრწყინავი ბედნიერება და შენი თავი, თავის გულში იგრძნოს! ამ ხანად მარტო ეს შემიძლიან მივანიჭო ხალხს.“

როგორც მუდამ, ეხლაც დაემორჩილა მას სიხარული. მან უკანასკნელი ღამე დაჰყო კაცთან, რომელიც თავის ანკა-



ჩაის მინდვრები ჩაქვში, ბათუმის ახლოს. სულ 50 დესეტინას შეიცავს. მოსავალი 250 ათას გირვანქა გამზარ ჩაის იძლევა. სურათზე ნახვენებია ჩაის ფოთლების კრეფა.



რა სუფთა გულით, ჯერ, რომ დედა-მიწაზე არსად არ შეხვდებოდა, ძვირფასი შეიქმნა მისთვის. და უკანასკნელად ნაზი აღერსით აკოცა მას.

კაცმა გაიღვიძა და რა კი სიხარული ვეღარა ნახა, მიჰხვდა, რომ მარტოკა დარჩა; იგრძნო, რომ იმის გულიდან გავიდა იგი. იმის თვალეზში ბედნიერებისაგან მინიჭებული სინათლე დაბინდდა. მიმოიხედა, თავის ცხოვრება გაიხსენა და იგი ცხოვრება ხშირ ეკალნარში დაქნილ ძლივ შესამჩნევ ბილიკად ეჩვენა.

„რა გრძელი გზაა მყოობადის ტაძრისკენ მიმავალი! — იფიქრა იმან. — ხოლო ბოროტება კი რა ძლიერია! რა ადვილად ატყუებს ხალხს გამარჯვების ცრუ მშვენიერი მოჩვენება! გაივლის კი ამ გზას ბოლომდის!“

ხელში კალამი აიღო. იგი ეხლა მეტად მძიმე ეჩვენა, რადგან სიხარული გვერდით აღარ ედგა. ეხლა მის გულში მეტის ძლიერებით სიბრალულმა გაიღვიძა. (სიხარულმა თავის მაგიერ კაცს თავის უმცროსი და დაუტოვა). კაცი იმათზე დაფიქრდა, ვისაც სიხარული არაოდეს არა სწვეოდა და ამ აზრმა იმის დაქანცულს გულს ახალი ძალ-ღონე ჩაუწერა.

მან თავის უკანასკნელ შრომას მოჰკიდა ხელი.

ეს შრომა დიდი წიგნი იყო, სადაც იგი ხალხს უწერდა მისი დამქანცავი გზის ბრწყინვალე დასასრულს.

— ბოროტის ცდუნებას ნუ ერწმუნებით! გზა გრძელია, მაგრამ შორს, სულ წინ, იქაა ბედნიერება, თავისუფლება, სინათლე!

და სწერდა იგი იქამდინ, ვიდრე მის დაქანცულ ხელებს კალამი არ გაჰვარდა და მისი კეთილი თვალეზი სამუდამოდ არ დაეხუჭა.

მძიმე იყო მისთვის მომავალ დღეთა ბედნიერებაზე წერა მას შემდეგ, რაც სიხარული განშორდა მის გულს.

სალხმმა იპოვნა იმისი წიგნი და დაიკვა იგი, ვითა თავდები, რომ მისთვის უკეთესი დღე გათენდება. მაგრამ ვერაფერს ვერაოდეს ვერ შეიტყო, რომ ის წიგნი დასწერა კაცმა სიხარულისაგან დატოვებულმა.

გ. ავალიშვილი.



# მინიატურები

(ბ. ალტენბერგისა)  
ს ი ც რ უ ი

როდენი სიცრუეა ჩვენს თანამედროვე გახრწნილ ცხოვრებაში... როდესაც სადილად ზიხართ, მოდის ნაცნობი და გეუბნება:

— ნებას მომცემთ, შემოგიერთდეთ? ხელს ხომ არ შეგიშლით?

რა დამამცირებელი სიცრუეა, რა იეზუიტობაა ასეთი კითხვა, როდესაც დარწმუნებული ხარ, მას არ შესწევს გამბედაობა გიპასუხოს:

— არა! არ შეიძლება!

დღე ყველანი განმარტოებით ისხდნენ, ვიდრე გულწრფელად არ მიიპატიებენ. ადამიანები, რომელთაც სძულხარ, გიშეგობრდებიან, იმისთვის რომ ჰზიხარ დედა-კაცთან, რომლის აღერსი სწყურიათ.

სირცხვილია! თავის დამცირება! გიხლოვდებიან როგორც მგელი ცხვრის ტყავში, მოგტაკებენ მსხვერპლს და გარბიან.

არვის შესწევს ძალა სინდისიერად მოგებყროს საუბრის დროს, ან მოქმედებაში. მშიშარი, მხდალი გულკეთილობა მეფობს ყოველგან.

— ოჰ, გამარჯვებათ! როგორ სცხოვრობთ! ხომ კარგად? — თავისთვის კი ფიქრობს „ღმერთმა ქნას უარესად იყო.“

გული ვერ ჰბედავს გამოამუღავნებას, ოხრავს სიცრუით დამონებული ვერაფერს ჰბედავს თავის დაცვას, ყოველ ფეხის ნაბიჯზე თრთის: მოულოდნელად არა ჩვეულებრივი რამ არ ჩავიდინოვო, როდესაც გკითხონ — „ნებას მომცემთ შემოგიერთდეთ?“ — უპასუხე:

— არა! არ შეიძლება! — ეს არის რაინდული პასუხი. ის გაგშორდება ნაცრმი ძალლივით, და დარწმუნებული ბძანდებოდეთ ყოველ ღონის რხმარს შური იძიოს.

## ზღვის პირას

მხოლოდ ერთხელ გიხილე უცნობო, ალის ფრად შორს წინაგ საცურავ ტანთსაცმელში და ავად შევიქმენ. ყოველგან მეჩვენება შენი მომნიბლავი სხეული.

რატომ ვერ გავბედე მეთქვა: — სალამი, ზღვის დედოფალი? — ეს ხომ არას გავნებდა, მე კი სევდას გამიქარავებდა, ისე ვით ცხოვრებით დაჩაგრულთ, იმედის სხივი გულს უსალკლდევენს, როდესაც გულწრფელად ლოცულობენ ტაძარში მადონას წინ. მიუწლომელ იდეალების მისწრაფებაში უღროოდ ვბერდებით, გვეკარგვის რწმენა და მოსაწყენი ხდება ჩვენთვის სიცოცხლე, მაგრამ აი გიხილე, საკვირველო მშვენიერება, კვლავ შევიქენ რწმენით აღვსილი.

აბრეშუმის ტანთსაცმელში, შეყვარებულის თვალთა ხედვას შესაძლოა სხვაც ეჩვენოს შენზე მშვენიერად, მაგრამ ასე ზღვის პირას, ბანაობის შემდეგ, საღ ჰაერზე დასველებულ, საცურავ ტანთსაცმელში, შენს გარდა ვერავინ გაუძლებდა ამ ნაზ ცდუნებას.

გიხილე და მას შემდეგ ავად ვარ, რადგან ვერ ჩაგჩურჩულე: „დედოფალი“.

## გ მ ი ტ მ

გიეტეს ერთი მეტად სამართლიანი აზრი აქვს გამოთქმული „შესაძლო იყო დაბადებულიყვენ ზრდილობიანი ბავშვები, თვითონ მშობლები რომ ზრდილობიანი ყოფილიყვენ.“

მხოლოდ ეს ერთი ფრაზა უფრო ძვირფასია ვიდრე მრავალი ტომი „ორგანიზმის განვითარებაზე“.

მეტ ნაწილს უსულგულო, კირვეულ, მოუხეშავ დედა-კაცთ არ სურთ ბავშვების ყოლა. ისინი. ერთ მოჯალეობას მაინც ასრულებენ; არ გადააქვთ შთამომავლობაზე თავისი უზრდელობა და მოუხეშაობა.

ცხოვრების გზა უიმისოდაც ძნელია.

# ჩ ა ი ს მ ა რ ლ ი

ნ. შებუფაძე

მან წამოიძახა!

— წითელი ვარდი ძრიელ დაშვენდებოდა ამ ტანთსაცმელს.

შემდეგ იფიქრა და დაუმატა: — მაგრამ ჩაის ვარდი ყველაზე უმჯობესი იქნებოდა. — ვუპასუხე:

— ოცი წამის შემდეგ თქვენ გიქნებათ ჩაის ვარდი. — მე არ ვიცოდი რამდენი ღირდა ჩაის ვარდი; ხელში დაბლუჯული მქონდა ვერცხლის მანეთიანი, ერთად-ერთი ფული, რომელიც მქონდა მე იმ სალამოს და ვარდის საყიდლად გავრბოდი.

გზაში დავეჯახე მოხუც მათხოვარ ქალს, ხელში ბავშვი ეჭირა, გვერდით უდგა პატარა ავადმყოფი გოგო, რომელიც შემადრწუნებელის ხმით იხვეწებოდა:

— ღვთის გულისათვის, მოიღეთ ერთი კაპიკი!..

მუჯლოგუნით მოვიშორე მოხუცებული ქალი, პატარა გოგოს, რომელიც ცალი ხელით მის კალთას ებლაუქებოდა, უნებლიეთ ფეხზე-ფეხი დავადგი. საბრალომ მწარედ ამოიგმი-ნა და ისეთი ნაზი სიბრალულით, ისეთი გამომეტყველებით მომაცქერდა, რომ გული მომიკვდა, მზად ვიყავ მეტირა...

მაგრამ ვსძლიე სულმდაბლობას, გიფიცები ზოია! ერთი წუთითაც არ გამიფიქრია მიმეცა შეურაცყოფილ, შეშინებულ, მათხოვრისათვის ის მანეთიანი, მათ თვალ-წინ შევადე კარი, ამოვარჩიე საუკეთესო ვარდი. ვგრძნობდი, რომ მომჩერებოდა სამი წყვილი მშიერთა თვალეზი მაგრამ, გეფიცები ზოია, სირცხვილის გრძობას, ოდნავაც არ აღუშფოთებია ჩემი აღფრთოვანება, რადგანაც მე ვასრულებდი შენს წავილს, მე ვიყიდი ამ ჩაის ვარდს, თუნდ სამივენი მომკვდარიყვენ ჩემს წინ მიმშლით. აი, თქვენი ჩაის ვარდი, ნებაქმობოძეთ მე თვით გაგიბნით თმის კულულში.

— როგორ? როგორ ბედავთ? თქვენ თმას ამიწეწთ! — აიღო ჩაის ვარდი და თმაზე მიიღო.

— არა, წითელი ვარდი უფრო მოუხდება ამ ტანთსაცმელს, თქვენ როგორ ფიქრობთ?

და ვიდრე ჩემს პასუხს მიიღებდა, ჩაის ვარდს ბუხარში უძახა.

მის. ბოჭორიშვილი.

